

Član 26.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-5382/12  
05. marta 2012. godine  
Sarajevo

Predsjedavajuća  
Skupštine Kantona Sarajevo  
Prof. dr. **Mirjana Malić**, s. r.

Na osnovu člana 13. stav (1) tačka b) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94), člana 53. stav (4), člana 98. st. (1) i (2), a u vezi sa članom 234. st. (1) i (2) i članom 237. stav (1) Zakona o zdravstvenoj zaštiti ("Službene novine Federacije BiH", broj 46/10), Skupština Kantona Sarajevo na sjednici, održanoj dana 05.03.2012. godine, donijela je

**ODLUKU**

**O PREUZIMANJU PRAVA I OBAVEZA OSNIVAČA I  
USKLAĐIVANJU ORGANIZACIJE I POSLOVANJA  
JAVNE USTANOVE OPĆA BOLNICA "PRIM. DR  
ABDULAH NAKAŠ"**

**DIO PRVI - UVODNI DIO**

Član 1.  
(Osnivač)

- (1) Skupština Kantona Sarajevo (u daljem tekstu: Osnivač) je Osnivač Javne ustanove Opća bolnica "Prim. dr Abdulah Nakaš", koja je osnovana u cilju pružanja usluga specijalističko konsultativne zdravstvene zaštite na sekundarnom nivou, a kroz pružanje vanbolničkih usluga osigurava podršku primarnoj i bolničkoj zdravstvenoj djelatnosti s ciljem povećanja stepena rješavanja zdravstvenih problema pacijenata i racionalnijeg korištenja resursa u zdravstvu, i tercijarnom nivou u skladu sa članom 98. stav 2. Zakona o zdravstvenoj zaštiti ("Službene novine Federacije BiH", broj 46/10) (u daljem tekstu: Federalni zakon).
- (2) Ovom odlukom vrši se preuzimanje prava i obaveza osnivača i usklađivanje organizacije i poslovanja Javne ustanove Opća bolnica "Prim. dr Abdulah Nakaš" sa odredbama Federalnog zakona.

Član 2.  
(Naziv i sjedište)

- (1) Bolnica iz člana 1. tačke 1. ove odluke nastavlja sa radom i posluje pod nazivom Javna ustanova Opća bolnica "Prim. dr Abdulah Nakaš" (u daljem tekstu: Bolnica), u državnoj svojini.
- (2) Sjedište Bolnice je u Sarajevu, ul. Silvije Strahimira Kranjčevića broj 12.

Član 3.  
(Status pravnog lica)

Bolnica ima svojstvo pravnog lica i upisana je u sudski registar kod nadležnog suda u Sarajevu.

Član 4.  
(Djelatnost)

- (1) Djelatnost Bolnice je pružanje usluga specijalističko konsultativne i bolničke zdravstvene zaštite na sekundarnom i tercijarnom nivou, u skladu sa članom 98. stav 2. Federalnog zakona, na području Kantona Sarajevo i to: dijagnostike, liječenja, medicinske rehabilitacije, zdravstvene njege bolesnika, te osiguranja boravka i prehrane bolesnika sa područja Kantona Sarajevo.
- (2) U okviru djelatnosti iz stava 1. ovog člana Bolnica ima ukupno 330 bolničkih postelja raspoređenih na jedinice - bolnička odjeljenja i to:

- interna medicina . . . . . 60 postelja;
  - neuropsihijatrija . . . . . 20 postelja;
  - fizikalna medicina i rehabilitacija . . . . . 30 postelja;
  - ginekologija sa akušerstvom . . . . . 60 postelja;
  - intenzivna njega i terapija . . . . . 20 postelja;
  - hirurgija: . . . . . 140 postelja;
    - opća hirurgija . . . . . 45 postelja
    - plastična hirurgija . . . . . 10 postelja
    - ortopedija . . . . . 35 postelja
    - urologija . . . . . 10 postelja
    - otorinolaringologija. . . . . 20 postelja
    - oftalmologija. . . . . 20 postelja.
- (3) Pored jedinica-bolničkih odjeljenja iz stava 82) ovog člana, Bolnica ima i jedinice za:
- laboratorijsku dijagnostiku;
  - radiološku dijagnostiku i nuklearnu medicinu
  - snabdijevanje lijekovima i medicinskim proizvodima - bolničku apoteku;
  - specijalističko konsultativnu djelatnost,
  - urgentno zbrinjavanje.
  - transfuziološku djelatnost
  - anesteziju i reanimaciju;
  - patologiju;
  - citološku, mikrobiološku i biohemijsku dijagnostiku i
  - mrtvačnicu.
- (4) U skladu sa Odlukom o klasifikaciji djelatnosti Bosne i Hercegovine ("Službeni glasnik BiH", broj 47/10), djelatnost Bolnice obuhvata slijedeće razrede:
- 86.10 - Djelatnost bolnica
  - 86.22 - Djelatnost specijalističke medicinske prakse
  - 86.90 - Ostale djelatnosti zdravstvene prakse
  - 21.20 - Proizvodnja farmaceutskih preparata
  - 38.22 - Obrada i odlaganje opasnog otpada i
  - 63.11 - Obrada podaraka.

Član 5.  
(Statut Bolnice)

- (1) Statut je osnovni opći akt Bolnice, koji donosi Upravni odbor uz obaveznu saglasnost Osnivača,
- (2) Statutom Bolnice se uređuju osnovna pitanja vezana za rad Bolnice i to:
  - naziv i sjedište Osnivača Bolnice;
  - naziv i sjedište Bolnice;
  - djelatnost Bolnice;
  - izvori i način obezbjeđenja sredstava za rad Bolnice;
  - način raspolaganja viškom prihoda nad rashodima i način na koji se pokriva višak rashoda nad приходima Bolnice;
  - prava i obaveze Osnivača u pogledu obavljanja djelatnosti zbog koje je Bolnica osnovana;
  - međusobna prava i obaveze Bolnice i Osnivača Bolnice;
  - imenovanje direktora i organa upravljanja Bolnice,
  - stručna tijela Bolnice, mandat članova stručnih tijela Bolnice, način izbora i finansiranje;
  - lice koje će do imenovanja direktora Bolnice obavljati poslove i vršiti ovlaštenja direktora Bolnice, te
  - druga pitanja od značaja za rad Bolnice.

Član 6.  
(Statusne promjene i promjena djelatnosti)

- (1) Bolnica ne može vršiti statusne promjene (promjena naziva, sjedišta i druge promjene utvrđene zakonom), bez saglasnosti Osnivača.
- (2) Promjenu ili proširenje djelatnosti Bolnica ne može obaviti bez saglasnosti Ministra zdravstva Kantona Sarajevo (u daljem tekstu: Ministar), koja se daje formi rješenja, a na način i u postupku propisanim Federalnim zakonom.

Član 7.

(Prava i obaveze Bolnice)

- (1) Danom stupanja na snagu ove odluke Bolnica zadržava objekte i opremu na korištenju, kao i zaposlenike, odnosno sva prava i obaveze JU Opća bolnica "Prim. dr Abdulah Nakaš".
- (2) Bolnica odnosno Osnivač ne može raspolagati državnom imovinom nad kojom Bolnica ostvaruje pravo korištenja u skladu sa propisima o zabrani korištenja državnom imovinom i to do zakonskog regulisanja ove oblasti.

Član 8.

(Zakup)

- (1) Bolnica može dio svojih zdravstvenih i nezdravstvenih kapaciteta (prostor i opremu) izdati u zakup, ukoliko to ne remeti obavljanje djelatnosti Bolnice.
- (2) Upravni odbor Bolnice svake kalendarske godine odlukom utvrđuje višak zdravstvenog i nezdravstvenog prostora, a uz prethodno pribavljeno pozitivno mišljenje Ministra.
- (3) Nakon pribavljenog pozitivnog mišljenja Ministra i odluke Upravnog odbora Bolnice, direktor Bolnice raspisuje javni oglas za prikupljanje ponuda za davanje u zakup jedinica zakupa, u skladu sa Federalnim zakonom i propisima koji regulišu oblast javnih nabavki.

Član 9.

(Sredstva rada)

Sredstva za rad i razvoj Bolnica ostvaruje:

- a) ugovorom sa Zavodom zdravstvenog osiguranja Kantona Sarajevo,
- b) ugovorom sa Zavodom zdravstvenog osiguranja i reosiguranja Federacije BiH,
- c) ugovorom sa Ministarstvom zdravstva Kantona Sarajevo (u daljem tekstu: Ministarstvo),
- d) ugovorom sa fakultetima i drugim visokim školama zdravstvenog usmjerenja,
- e) ugovorom na osnovu proširenog i dobrovoljnog zdravstvenog osiguranja,
- f) iz sredstava Osnivača,
- g) iz sredstava budžeta Federacije, kantona odnosno jedinica lokalne samouprave,
- h) iz učešća korisnika zdravstvene zaštite u pokriću dijela ili ukupnih troškova zdravstvene zaštite,
- i) slobodnom prodajom usluga na tržištu, te
- j) iz drugih izvora na način i pod uvjetima određenim zakonom i Statutom Bolnice.

Član 10.

(Prihodi i rashodi)

Način raspolaganja viškom prihoda nad rashodima kao i način na koji se pokriva višak rashoda nad приходima regulisat će se Statutom Bolnice.

Član 11.

(Odgovornost za obaveze)

- (1) Bolnica je odgovorna za svoje obaveze imovinom kojom raspolaže.
- (2) Osnivač je supsidijarno odgovoran za obaveze Bolnice, do visine osnivačkog uloga.

DIO DRUGI - ODGOVORNOST I OBAVEZE BOLNICE  
PREMA OSNIVAČU

Član 12.

(Odgovornost i obaveze prema Osnivaču)

- (1) Bolnica je odgovorna Osnivaču za rezultate svog rada i djelovanja u svim oblastima za koje je nadležna.
- (2) Obaveze Bolnice prema Osnivaču su:
  - a) da pribavi saglasnost Osnivača kod svih statusnih promjena Bolnice,
  - b) da pribavi saglasnost Osnivača kod donošenja Statuta Bolnice,

- c) da pribavi saglasnost Osnivača kod donošenja godišnjeg programa rada sa finansijskim planom,
- d) da najmanje jednom godišnje podnosi Osnivaču izvještaj o radu i finansijskom poslovanju Bolnice, koji sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora, izvještaj o radu direktora i izvještaj o radu Nadzornog odbora,
- e) da pribavi saglasnost Ministarstva kod donošenja pravilnika o radu, unutrašnjoj organizaciji i sistematizaciji radnih mjesta i
- f) druge obaveze utvrđene zakonom.

DIO TREĆI - ORGANI UPRAVLJANJA, KONTROLE  
POSLOVANJA I RUKOVOĐENJA BOLNICE

Član 13.

(Upravni odbor)

- (1) Organ upravljanja u Bolnici je Upravni odbor.
- (2) Djelokrug Upravnog odbora je:
  - a) donošenje Statuta Bolnice;
  - b) imenovanje i razrješavanje direktora odnosno v.d. direktora Bolnice;
  - c) utvrđivanje planova rada i razvoja Bolnice;
  - d) utvrđivanje godišnjeg programa rada Bolnice;
  - e) donošenje finansijskog plana i usvajanje godišnjeg obračuna Bolnice;
  - f) donošenje opštih akata o unutrašnjem uređenju i sistematizaciji poslova i drugih opštih akata, u skladu sa zakonom i Statutom Bolnice;
  - g) odlučivanje o svim pitanjima obavljanja djelatnosti radi kojih je Bolnica osnovana, ako zakonom nije određeno da o određenim pitanjima odlučuje drugi organ Bolnice;
  - h) usmjeravanje, kontrolisanje i ocijenjivanje rada direktora Bolnice;
  - i) rješavanje svih pitanja odnosa s Osnivačem;
  - j) odlučivanje o korišćenju sredstava preko iznosa utvrđenog Statutom Bolnice;
  - k) odgovaranje Osnivaču za rezultate rada Bolnice;
  - l) odlučivanje o prigovoru zaposlenika na rješenje kojim je drugi organ, određen Statutom Bolnice, odlučio o pravu, obavezi i odgovornosti zaposlenika iz radnog odnosa;
  - m) podnošenje Osnivaču najmanje jedanput godišnje izvještaja o poslovanju Bolnice;
  - n) obavljanje i drugih poslova u skladu sa zakonom i Statutom Bolnice.
- (3) Predsjednika i članove Upravnog odbora imenuje i razrješava Vlada Kantona Sarajevo (u daljem tekstu: Vlada), na prijedlog Ministra, uz ravnopravnu zastupljenost oba spola, na način i u skladu sa zakonom.
- (4) Upravni odbor ima pet članova i čine ga predstavnici:
  - a) Osnivača - tri člana, od kojih jedan mora biti ispred Ministarstva,
  - b) stručnih radnika Bolnice - dva člana, od kojih jedan mora biti iz reda zdravstvenih radnika.
- (5) Mandat predsjednika i članova Upravnog odbora traje četiri godine i mogu biti ponovo imenovani.
- (6) Predsjednik i članovi Upravnog odbora Bolnice imenuju se u proceduri u skladu sa Zakonom o ministarskim, vladinim i drugim imenovanjima Federacije BiH ("Službene novine Federacije BiH", br. 12/03 i 34/03).
- (7) Način izbora, opoziva i mandat predsjednika i članova Upravnog odbora Bolnice, vrši se u skladu sa propisima o ustanovama, ako Federalnim zakonom nije drugačije određeno.
- (8) Predsjednik i članovi Upravnog odbora Bolnice mogu biti razriješeni i prije isteka mandata na koji su imenovani, u skladu sa propisima o ustanovama i Statutom Bolnice,

Član 14.  
(Direktor)

- (1) Organ rukovođenja u Bolnici je direktor, koji organizira i vodi poslovanje, predstavlja i zastupa Bolnicu i odgovoran je za zakonitost rada Bolnice.
- (2) Direktor Bolnice imenuje se na osnovu javnog oglasa, u skladu sa zakonom.
- (3) Direktora Bolnice imenuje i razrješava Upravni odbor, uz prethodnu saglasnost Ministra, na način i u skladu sa zakonom i Statutom Bolnice.
- (4) Za direktora Bolnice, imenuje se lice koje ima završen medicinski fakultet, najmanje pet (5) godina radnog iskustva u struci, odgovarajuću specijalizaciju iz djelatnosti Bolnice, te koje ispunjava i druge uslove propisane Federalnim zakonom i Statutom Bolnice. Za direktora Bolnice imenuje se lice koje, pored navedenih uslova ima znanje o zdravstvenom menadžmentu. Uslov o znanju zdravstvenog menadžmenta tražit će se u konkursnoj proceduri tek nakon donošenja podzakonskog akta od strane federalnog ministra zdravstva.
- (5) Direktor učestvuje u radu Upravnog odbora, bez prava odlučivanja.
- (6) Mandat direktora Bolnice traje četiri godine.
- (7) Po isteku mandata, isto lice može, na osnovu javnog oglasa, ponovo biti imenovano za direktora Bolnice, ali najviše za još jedan mandatni period.
- (8) Ukoliko direktor Bolnice nije imenovan u skladu sa zakonom u roku od 60 dana od dana isteka konkursnog roka, kao i u drugim slučajevima prestanka mandata direktora, odluku o postavljanju vršioca dužnosti direktora donosi Upravni odbor Bolnice, najduže do šest mjeseci, u skladu sa Federalnim zakonom i Statutom Bolnice.
- (9) Direktor može biti razriješen i prije isteka mandata na koji je imenovan u skladu sa Federalnim zakonom i Statutom Bolnice.

Član 15.  
(Nadzorni odbor)

- (1) Organ kontrole poslovanja u Bolnici je Nadzorni odbor.
- (2) Djelokrug Nadzornog odbora je:
  - a) analizira izvještaj o poslovanju Bolnice;
  - b) u vršenju nadzora nad upotrebom sredstava za rad pregleda godišnji izvještaj o poslovanju i godišnji obračun Bolnice;
  - c) pregleda i provjerava urednost i zakonitost vođenja poslovnih knjiga Bolnice, te
  - d) izvještava Osnivača, Upravni odbor i direktora o rezultatima nadzora.
- (3) Predsjednika i članove Nadzornog odbora imenuje i razrješava Vlada, na prijedlog Ministra, uz ravnopravnu zastupljenost oba spola, na način i u skladu sa zakonom.
- (4) Nadzorni odbor ima tri člana od kojih se najmanje jedan imenuje iz reda stručnih radnika zaposlenih u Bolnici.
- (5) Mandat predsjednika i članova Nadzornog odbora traje četiri godine sa mogućnošću ponovnog izbora, a najviše za još jedan mandatni period.
- (6) Predsjednik i članovi Nadzornog odbora Bolnice imenuju se i razrješavaju u proceduri u skladu sa Zakonom o ministarskim, vladinim i drugim imenovanjima Federacije BiH ("Službene novine Federacije BiH", br. 12/03 i 34/03).
- (7) Način izbora, opoziva i mandat predsjednika i članova Nadzornog odbora Bolnice, vrši se u skladu sa propisima o ustanovama.
- (8) Predsjednik i članovi Nadzornog odbora Bolnice mogu biti razriješeni i prije isteka mandata na koji su imenovani, u skladu sa propisima o ustanovama i Statutom Bolnice.

Član 16.  
(Stručno vijeće Bolnice)

- (1) Stručno vijeće Bolnice je savjetodavni organ direktoru Bolnice.

- (2) Članove Stručnog vijeća imenuje direktor na prijedlog šefova organizacionih jedinica - odjeljenja Bolnice, uz ravnopravnu zastupljenost oba spola.
- (3) Način rada i odlučivanja Stručnog vijeća uređuje se Poslovníkom o radu Stručnog vijeća, na koji saglasnost daje Direktor Bolnice, a nadležnost istog je utvrđena odredbama Federalnog zakona.

Član 17.  
(Etički komitet Bolnice)

- (1) Etički komitet Bolnice je organ koji osigurava obavljanje djelatnosti Bolnice na načelima etike i medicinske deontologije.
- (2) Etički komitet imenuje Upravni odbor, a sačinjava ga devet članova, uz ravnopravnu zastupljenost oba spola.
- (3) Imenovanje, mandat, način izbora kao i finansiranje Etičkog komiteta uređuje se Statutom Bolnice, u skladu sa odredbama Federalnog zakona.
- (4) Nadležnost Etičkog komiteta Bolnice propisana je Federalnim zakonom.
- (5) Etički komitet Bolnice donosi Poslovník o svom radu.

Član 18.  
(Komisija za lijekove)

- (1) Komisija za lijekove Bolnice je organ koji osigurava provođenje svih aktivnosti vezanih za primjenu lijekova i medicinskih sredstava u Bolnici.
- (2) Komisiju iz stava (1). Ovog člana imenuje Upravni odbor Bolnice i čini ga najmanje pet članova, koji se imenuju iz reda specijalista medicine, farmacije i stomatologije, uz ravnopravnu zastupljenost oba spola.
- (3) Način rada i odlučivanja Komisije za lijekove uređuje se Poslovníkom o radu Komisije, a nadležnost iste je utvrđena Federalnim zakonom.

Član 19.  
(Komisija za poboljšanje kvaliteta i sigurnosti zdravstvenih usluga)

- (1) Komisija za poboljšanje kvaliteta i sigurnosti zdravstvenih usluga je stručno tijelo Bolnice koje obavlja poslove i zadatke u pogledu uspostave sistema poboljšanja kvaliteta i sigurnosti zdravstvenih usluga u Bolnici, kao i druge poslove utvrđene propisima o sistemu poboljšanja kvaliteta, sigurnosti i akreditaciju u zdravstvu.
- (2) Komisija iz prethodnog stava ovog člana odražavat će ravnopravnu zastupljenost oba spola.

Član 20.  
(Regulisanje nadležnosti organa)

Bliže odredbe o Stručnom vijeću, Etičkom komitetu, Komisiji za lijekove i Komisiji za poboljšanje kvaliteta i sigurnosti zdravstvenih usluga, koje nisu regulisane ovom odlukom, uredit će se Statutom Bolnice.

Član 21.  
(Prava zaposlenika)

Zaposlenici Bolnice ostvaruju svoja prava u skladu sa zakonom, Statutom Bolnice i Kolektivnim ugovorom o pravima i obavezama poslodavca i zaposlenika u oblasti zdravstva.

Član 22.  
(Nadzor)

- (1) Nadzor nad zakonitošću rada Bolnice vrši Ministarstvo, u okviru svoje nadležnosti.
- (2) Nadzor nad radom Bolnice i radom zdravstvenih radnika Bolnice obuhvata:
  - a) unutrašnji nadzor i
  - b) zdravstveno-inspekcijski nadzor.

DIO ČETVRTI - PRELAZNE I ZAVRŠNE ODREDBE

Član 23.

(Obaveza donošenja Statuta)

Upravni odbor je obavezan da, u roku od tri mjeseca od dana stupanja na snagu ove odluke, donese Statut Bolnice u skladu sa zakonom i ovom odlukom.

Član 24.

Stupanjem na snagu ove odluke stavlja se van snage Odluka o preuzimanju prava i obaveza osnivača Državne bolnice Sarajeva ("Službene novine Kantona Sarajeva", br. 14/00 i 30/07).

Član 25.

(Upis u sudski registar)

Stupanjem na snagu ove odluke Bolnica je obavezna izvršiti promjene upisa u sudskom registru kod nadležnog suda u Sarajevu, u skladu sa ovom odlukom i zakonom.

Član 26.

(Objavljivanje i stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajeva".

Broj 01-05-5383/12  
05. marta 2012. godine  
Sarajevu

Predsjedavajuća  
Skupštine Kantona Sarajevu  
Prof. dr. **Mirjana Malić**, s. r.

Na osnovu člana 12. tačka c i člana 18. stav 1. tačka d. Ustava Kantona Sarajeva ("Službene novine Kantona Sarajeva", broj 1/96, 2/96, 3/96, 16/97, 14/00, 4/01 i 28/04) i čl. 111. i 164. Poslovnika Skupštine Kantona Sarajeva ("Službene novine Kantona Sarajeva", broj 25/10 - Novi prečišćeni tekst, br. 14/11 i 19/11), Skupština Kantona Sarajeva, na sjednici održanoj dana 05.03.2012. godine, donijela je

**ODLUKU**

**I**

Daje se saglasnost na Program rada Javne ustanove Narodno pozorište Sarajevu sa finansijskim planom za 2012. godinu, koji je sastavni dio ove Odluke.

**II**

Ova odluka stupa na snagu danom donošenja, a objavit će se u "Službenim novinama Kantona Sarajeva".

Broj 01-05-5384/12  
05. marta 2012. godine  
Sarajevu

Predsjedavajuća  
Skupštine Kantona Sarajevu  
Prof. dr. **Mirjana Malić**, s. r.

**PROGRAM RADA  
JU NARODNO POZORIŠTE SARAJEVO  
ZA 2012.GODINU**

**I UVODNI DIO**

Program rada sa finansijskim planom za 2012.godinu JU Narodno pozorište Sarajevu sačinjen je u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajeva i kantonalnih organa i organizacija broj: 02.05-25500-5/06 od 03.09.2008.god.

Program rada sa finansijskim planom za 2012.god. obuhvata period od 01.01.2012 do 31.12.2012 godine, a programski poslovi i zadaci sistematizirani su prema vrstama, rokovima izrade i nopolocima izvršenja.

**1.1 Naziv, osnivač, sjedište, identifikacioni broj ustanove**

Naziv: Javna ustanova Narodno pozorište Sarajevu – skraćeni naziv: JU Narodno pozorište  
Osnivač: Kanton Sarajevu  
Sjedište: Obala Kulina bana br. 8, Sarajevu  
Identifikacioni broj: 4200568570002

**1.2 Struktura korisnika i djelatnost Pozorišta**

Repertoar JU Narodno pozorište Sarajevu namijenjen je širokom gledateljstvu. Publiku JU Narodno pozorište Sarajevu čini građanski sloj stanovništva. Redovna pozorišna publika koja kontinuirano prati repertoar Narodnog pozorišta Sarajevu profilisano interesovanje u domenu kulturnih potreba duguje kulturnom naslijeđu, socijalnom iskustvu i odrazu kulturnog života gradske sredine. Najveći broj publike pripada urbanoj sredini. Raznolikost pozorišne publike u Kući na Obali rezultat je dramskog, opernog i baladnog repertoara, kao jedinstvenih umjetničkih izražaja u državi. Kako repertoar i pozorišna publika čine uzročno-posljedičnu vezu jedan od zadataka Narodnog pozorišta je i edukacijski, jer stvaranje pozorišne publike je proces. Zato u pozorišnom repertoaru planiramo i realiziramo i predstavljamo za djecu i mlade, posebno muzičko-scenski izražaja i jedinstvenog repertoara. Djelatnost JU Narodno pozorište Sarajevu je određena Odlukom o preuzimanju prava osnivača Javne ustanove "Narodno pozorište Sarajevu" ("Službene novine Kantona Sarajevu" broj 3/99-Prečišćeni tekst,33/07).

Umjetničko i kulturno stvarilaštvo i scensko izvođenje smatra se izvornom i osnovnom djelatnošću Narodnog pozorišta, odnosno djelatnošću u izvršavanju osnovne društvene funkcije radi koje je Narodno pozorište i osnovano, odnosno funkcije koju je osnivač odredio za Narodno pozorište i na kojoj Narodno pozorište završava ukupni proces svog rada.

U okviru djelatnosti u Narodnom pozorištu se vrše sljedeći poslovi:

- Pripremanje, javno prikazivanje i izvođenje dramskih, opernih, baletnih, muzičkih i drugih djela
- Saradnje se sa domaćim i inostranim dramskim, muzičkim i drugim autorima scenskih ostvarenja,